



CONCELLO DE MUROS

Curro da Praza, 1
15250 Muros
A Coruña
Tfno.: 981 826 050
correo@muros.gal
www.muros.gal

CONVOCATORIA DE SUBVENCÍONS PÚBLICAS

Extracto da Resolución da Alcaldía do Concello de Muros pola que se convocan subvencións dirixidas a clubs deportivos e entidades para o fomento da actividade física, ano 2025.

1. Bases xerais reguladoras

As bases xerais reguladoras da concesión destas subvencións están publicadas no BOP número 74, de 21 de abril de 2025, constituíndo o marco regulamentario xeral de aplicación para as convocatorias que se realicen dentro do seu obxecto.

2. Contía

O Concello de Muros poderá conceder subvencións de ata un máximo de 3.000,00 € por proxecto. O proxecto deberá contar cun nivel de autofinanciamento da propia entidade de polo menos o 20% do seu importe. A contía de todas as axudas concedidas ao abeiro desta convocatoria sumará un máximo de 21.000,00 €, con cargo á partida orzamentaria 25/341/48000, correspondente á anualidade 2025.

3. Finalidade e obxecto

O obxecto destas bases é a de apoiar aos clubs deportivos do Concello de Muros que contén con algún equipo ou deportistas (no caso de deportes individuais) que participen en competicións oficiais federadas de ámbito local, provincial, ou autonómico, e a entidades sen ánimo de lucro para a realización de actividades de fomento da actividade física.

4. Beneficiarios, condicións e gasto subvencionables

Serán beneficiarios destas axudas as entidades sinaladas na base 2 as bases xerais desta convocatoria para o financiamento das actividades que se leven a cabo entre o 1 de xaneiro ao 30 de novembro de 2025.

Os interesados poderán solicitar unha das seguintes modalidades de subvencións:

- Modalidade A: Clubs deportivos do Concello de Muros, sen ánimo de lucro, con equipos ou deportistas que participen en competición federada de ámbito local, provincial ou autonómico.
- Modalidade B: Entidades do Concello de Muros, sen ánimo de lucro, que realicen actividades de fomento da actividade física e do deporte.

No caso de que algunha das actividades que execute a entidade solicitante implique o



CONCELLO DE MUROS

Curro da Praza, 1
15250 Muros
A Coruña
Tfno.: 981 826 050
correo@muros.gal
www.muros.gal

contacto habitual con menores, deberá comprobar que o persoal ao seu cargo non foi condenado por sentenza firme por ningún delito contra a liberdade e indemnidade sexual.

5. Órgano competente para a Instrución e resolución e comisión de valoración

De acordo co procedemento, composición e funcións previstas o artigo 7 das Bases xerais, désígnanse aos seguintes órganos que interveñen no procedemento de concesión:

A Comisión de valoración composta polos seguintes membros:

Presidencia: alcaldesa do Concello de Muros.

Secretaría: secretario/a municipal, que participará con voz pero sen voto.

Vogais:

- O concelleiro de deportes do Concello de Muros,
- O interventor, ou funcionario do departamento de Asuntos Económicos no que delegue
- Un Técnico do departamento de Deportes.

Órgano instrutor será o monitor de cultura do Concello de Muros, ou, no seu defecto, o persoal técnico que designe a Alcaldía – Presidencia.

6. Prazo de presentación de solicitudes

O prazo de presentación de solicitudes será de un mes e iniciárase no día seguinte da publicación desta Convocatoria específica no BOP da Coruña.

As solicitudes presentaranse nos modelos normalizados publicados como anexos as Bases xerais no BOP núm. 74 de 21/04/2025, e que estarán a disposición dos interesados na sede electrónica do Concello de Muros, por calquera das formas establecidas no artigo 16.4 da Lei 39/2015, do 1 de outubro, do procedemento administrativo común das Administracións Públicas.

7. Prazo para ditar a resolución e practicar a notificación

A resolución de concesión notificarase expresamente a todas as entidades solicitantes de forma fidedigna nun prazo máximo de tres meses dende a data límite de presentación de solicitudes. As subvencións concedidas publicaranse no taboleiro de anuncios do Concello de Muros e na súa páxina web www.muros.gal.



CONCELLO DE MUROS

Curro da Praza, 1
15250 Muros
A Coruña
Tfno.: 981 826 050
correo@muros.gal
www.muros.gal

Vencido o prazo máximo sen que sexa notificada a resolución expresa á persoa interesada deberá entender desestimada a solicitude por silencio administrativo.

Concederáselles un prazo de audiencia de 10 días hábiles para presentaren, se fora o caso, a desistencia da solicitude, a reformulación, o cambio de obxecto, ou as alegacións que consideren oportunas. No caso de non formular desistencia expresa, a subvención considerarase aceptada tacitamente. Poderase prescindir do trámite de audiencia cando non figuren no procedemento nin sexan tidos en conta outros feitos nin outras alegacións e probas distintas ás aducidas polas persoas interesadas.

8. Prazo de xustificación

O prazo para a xustificación das subvencións finalizará o día 30 de novembro de 2025.

9. Fin da vía administrativa

O acto de resolución da subvención esgota a vía administrativa, sendo susceptible de recurso de reposición perante o mesmo órgano que resolva, conforme o dispón o artigo 123 da Lei 39/2015, no prazo de un mes a contar dende a día seguinte da recepción da notificación, sen prexuízo de que se poida interpoñer calquera outro recurso que se estime procedente.

10. Referencia normativa

En todo o non previsto na presente convocatoria e Bases específicas, serán de aplicación as disposicións contidas na Lei Xeral de Subvencións, a Lei de Subvencións de Galicia e nos seus respectivos regulamentos, así como nas Bases xerais reguladoras da convocatoria das subvencións (BOP núm. 74 do 21 de abril de 2025).

11. Entrada en vigor

Estas bases específicas entrarán en vigor a partir do día seguinte da publicación do extracto das mesmas no BOP.

Laura Eiras Rivadeneira
A alcaldesa en funcións do Concello de Muros

(asinado dixitalmente)